


四明叢書

張宗祥



鶴巢文存卷三

清鄞 忻江明紹如甫著

傳志

族曾祖母王太孺人傳

孺人姓王氏年十七歸我族曾祖惟南公逮事君姑婉
婉承順克盡婦道君舅仰峯先生名諸生也以院試高
等食廩餼不幸早世以故惟南公棄書習農業孺人勤
襄家政服粗布服躬操作雖勞動不少懈于歸僅四年
而惟南公歿長子甫周歲次者猶在腹也茹苦含辛上

事衰親下撫遺孤家纂貧盜粟施衣胥乞靈於鍼術一
燈熒然恆丙夜不寢時或哀慟達旦其姑慰諭之乃止
比兩嗣君稍長遣之就塾督課維嚴遭張太孺人之喪
營埋祭葬靡弗殫禮人益以是賢之卒於同治二年八
月十三日年四十有九

贊曰孺人之歿於今三十有三年矣其苦節特行例得
邀旌表之典而遷延未果亦一闕也嗣孫錦崖爲余從
父行今年上其事於有司而吾族方修家乘實乞余書
其大略載之傳中嗚呼煢煢一婦人畜藐孤於襁褓之

日以養以教以蘄於成立卒能保有家世若儒人者可不謂賢哉

先文學府君家傳

府君諱繼善譜諱禮約號薛園又號簡齋性峻潔不喜華靡待人忠實無他腸鄉里後進來學者善誘之不帥教督過之辭色不少假嘗曰忝爲人師擁皋比歲食館穀而因循以誤人子弟人雖不我責何以對吾心也以故出其門者率能敦行力學有聲於時同治五年成諸生光緒四年食黌宮餼累試布政司卒不遇府君爲文

深湛好思導脈經史發爲中聲每一藝出儕輩罕過之者喜讀儒先書手一編丹黃靡勸課兒曹歲旦一二日卽教之讀所習諸經剖晰義理往復再四務使明曉而後已居家整肅華言風語不自其口出人皆敬畏之而亦無不樂近之者先大父有子二人長卽府君次爲丙田先生甫弱冠以劬學天逝府君哭之慟已乃仿魏鄧哀娶甄氏唐懿德娶裴氏例爲之冥婚命次子江明奉祀之事母氏林太孺人益謹問煖噓寒依依如兒時女弟四人兩者蚤寡撫其遺孤不異所生故居湫隘別購

宅去錢湖十里歲時必具衣冠遍謁家廟與宗鄒故舊
厚相往來蓋府君勤於學謹於家而篤於至性如此江
明不幸生十七歲而孤過庭之訓聞者亦僅矣兒時所
記一二不敢忘府君嘗曰凡人立身必觀之於其本親
者其本也九宗三鄒由近而遠苟吾力所能爲矧之保
之不可存利己心拔本塞源而能有濟者吾未之聞也
又曰擇交處世須立定腳根不爲利脅不爲物誘又曰
讀書當以靜養爲第一工夫斗室蕭然如質明神如臨
師保釋氏所謂明心老氏所謂心如槁木語雖不經若

以虛空之念從實地推行其爲學亦庶幾近矣且學猶殖也厚其培而去其害時至則熟焉剽竊以爲工涉獵以爲能雖有弋獲譬之雨集溝澮有立涸焉耳又曰富貴利達伐性之斧余每見豪家子弟呼盧喝雉朋飲酒操俗音律治蕩終其身吾甚惡之吾願吾子孫世世能讀書足矣此皆不肖習聞之久而思之又久而身歷之乃益歎府君識之卓品之粹勵學之嚴斯乃其心得之言也光緒十四年六月十七日卒年五十有二年族之人方有事家乘諸父老及與府君遊者僉曰宜有傳

江明不肖何足以知府君猶憶府君病亟易簀時顧不肖兄弟曰吾生平幸無大過不致累汝曹汝曹勉之毋使吾含恨於地下也嗚呼言猶在耳而府君之歿將及十年不肖輩荒嬉廢業學不加進清夜自思罪何可逭述府君言行以傳府君既日以自警且俾吾後人奉爲家教焉

張藜齋先生家傳

先生諱雅詩字幼蘭晚號藜齋鄞縣人張氏系出宋南軒先生累世隱德居南鄉行春里石磧嗣徙於城別爲

市中心橋張氏曾祖永禮祖恆足以先生父貴贈官如例
父儒績附貢生福建縣丞歷授臺灣某縣縣丞某口府
經歷署彰化縣事積資以知縣升用加同知銜授奉政
大夫曾祖母梁氏祖母姚氏湯氏母孫氏俱贈封宜人
先生讀書務爲躬行不屑屑於文藝窮老布衣而於當
世之務能知其概要其處家庭族黨之間艱苦卓絕則
純然以性情行之故其所表見皆是爲人矜式張氏在
石硤有祠自徙居後未嘗與會食之典修廢繼絕屢請
於宗老議弗協嗣謀於族之賢者旣得請重葺譜牒而

以繼事不臧因緣它故眾集矢於主者未竟而中輟先生迺網羅舊聞摻採近支別爲支譜昭穆系本粲然明備自高祖以下以次列木主而祀焉而歲時展石礅宗祠仍不少懈奉政公有兄三人別居尋卒先生以首邱之義親扶柩歸葬世父某某公之柩失其標識泣涕尋求卒不獲終其身以爲大憾辛壬之交粵寇擾郡先生方稚年奉母氏避居邑之冠纓莊奉政公服官於閩至是道梗無音信艱難拮据悉惟母氏是賴而事母益謹嘗病喘扶持抑搔衣不解帶者累月庶母先卒母孫宜

人相繼逝匍匐稱貸喪葬粗具孤子一身迭艱萬狀惟
溺苦於學以求爲自立之計奉政公歷官臺南北亂平
稍寄俸入先生悉舉以償逋負一姪歸陳緩急相倚報
之尤加厚焉歲壬申聞奉政病耗刻期航海抵官署竭
誠侍養明年遭大故哭踊幾殞重洋數千里閒關奉櫬
以歸蓋先生至性過人而所處多困心衡慮之境如此
先生旣屢試不得志乃薄遊遼東爲諸侯上客襄營務
辦捐輸以功得巡檢晉秩五品然輒未一試待人有恩
紀嘗主寬甸董氏病甚其友爲悉力調護且經紀其行

卽先生平日感人之誠可知矣其它行多類此茲不著
著其犖犖大者先生卒於光緒三十年十二月二十三
日年五十有五配沈宜人前卒子二長學津次學濂女
二人孫五人先生歿十年嗣子津若濂以行略來請爲
傳猶憶曩年過從郡寓談次先生謬愛余文重以姻誼
不可辭也乃詮次歸之

贊曰冠纓莊陳氏余所自出張氏又陳之外家也余少
時及見外祖母母舅今皆卽世獨姪尙存卽先生姪也
陳氏今式微中表相繼天喪寢至不祀往歲津濂兄弟

謀於戚族爲立嗣余悲夫天道難諶榮悴靡常以吾太夫人之聖善推本於其所生其必有厚德無疑乃至不能庇其後亦可歛已先生居冠纓莊久余至其地聞父老言先生設塾授徒嚴正無假借浮薄之士不出其門地方義舉毅然身任之於風俗有關若賭博淫戲禁之尤力有習西洋教者欲就其地立堂講演先生杜漸防微說以利害事遂寢諸所設施其有德於一鄉甚大至其孝友勤儉則里之人至今恆舉以詔其子弟今先生旣歿而嗣子津若濂能世其家以不墜先生之教善人

有後又若有天道者存吾聞先生以不得成名引爲生平憾事自世事日非名教墮棄求所謂獨善其身爲政於家而施於一鄉戛乎難之名之顯晦又寧足論邪詩曰雖無老成人尙有典刑若先生者可以傳矣

顧君猷嘉譜傳

君名誥譜名成諤字猷嘉顧氏自明季由杭州遷鄞世爲鄞人父諱昌圻母徐氏君奮自孤童承奉母教以明允篤誠著聲鄉里閒至今歿三十餘年知君者每語及僉曰顧某眞長者云方昌圻公之歿也君生才三年徐

太夫人撫之曰是呱呱者顧氏一綫之延二老在堂孤
未有立是吾責也吾未敢卽死他日長成讀書敦行毋
負吾苦志矣年十三太夫人遽歿貧無依爲酒家傭刻
苦自厲外家徐喜其誠且愛其才招之入市木之肆木
肆在甬江固營運一大宗也君筦出入唯謹消息盈虛
具有心計富室倚爲重自是主肆事者垂三十年市中
有期會或事涉紛難必就君質成君亦慷慨尙義不給
者助之失職亡籍者振業之以是譽益隆而君歛然若
有不足者念母夫人苦節賞志以歿不獲遂孝養則涕

泗交頤少孤失學賈近市無建樹以大其宗則怒焉以
憂故君與人甚厚而自奉務纖嗇持行高而處身務卑
刑于之化翕然合德子五人皆有雋才家駸駸起矣光
緒甲申七月二十二日邁疾卒年五十有八論者惜之
始顧氏之世嘗顯矣今城南顧家井其族居地也傳緒
中衰潛德弗曜至君第三子瑞澐高掌遠躋承先志勇
於爲義躬膺懋賞褒贈其先人顧氏始大然則太夫人
節行之報與君之所以貽後人者蓋遠矣

論曰余識瑞澐於洪氏息園其後數數見見其才開敏

而行謹愿不惜自卑下以敬禮賢士大夫其意足重也
瑞澐自言澐不肖媿負先人先人蓋重士崇道常以己
不得終讀書爲恨由斯言以觀然則君所以貽後人者
誠遠矣自奇袞之學與天下輕士故亂未有已欲已亂
必使人人有士行觀君之行事與其用意與士奚擇哉
盛節婦費孺人傳

孺人費氏慈谿人父諱鴻來母氏吳年十八歸同縣盛
氏夫曰沛棻相莊十年二十九而寡性閑靜明大義動
止必於禮法自始嫁以至爲嫠兩家門閭鼎盛費氏世